

**MESYUARAT PERTAMA PENGGAL KETIGA
DEWAN UNDANGAN NEGERI PULAU PINANG
YANG KELIMA BELAS
16 MEI 2025**

PERKARA : 5(B)22

**SOALAN LISAN OLEH AHLI KAWASAN SERI DELIMA
YB TAN HOOI PENG**

22. Jalinan Antarabangsa.

- (a) Senaraikan nama-nama Pejabat Konsul Jeneral dan Pejabat Konsul Kehormat di Pulau Pinang.
- (b) Nyatakan usaha terkini yang diambil oleh Kerajaan Negeri dan kedua-dua Majlis Bandaraya dalam mengekalkan dan mempertingkatkan hubungan bandar berkembar (sister city) dan bandar sahabat (friendship city).

**YB WONG HON WAI
MENJAWAB BAGI PIHAK YAB KETUA MENTERI**

22. (a) Pulau Pinang merupakan negeri yang paling ramai perwakilan diplomatik Konsul Jeneral dan Konsul Kehormat di Malaysia selain dari Kuala Lumpur. Terdapat 4 Konsul Jeneral di Pulau Pinang iaitu dari China, Indonesia, Jepun dan Thailand.

Terdapat 23 Konsul Kehormat di Pulau Pinang iaitu dari negara-negara berikut: Australia, Austria, Bangladesh, Belgium, Brazil, Canada, Denmark, Fiji, Finland, France, Germany, Hungary, Nepal, Pakistan, Poland, Russia, South

Africa, United Kingdom, Ukraine, Tunisia, Chile, Sweden dan Kazakhstan.

(b) Usaha dalam mengekalkan dan mempertingkatkan hubungan bandar berkembar (sister city) dan bandar sahabat (friendship city) dilaksanakan adalah seperti berikut:

(i) Kerajaan Negeri telah berusaha untuk terus membina hubungan tersebut dengan bekerjasama dengan syarikat penerbangan untuk memperkenalkan dan mengekalkan penerbangan terus dari bandar berkembar dan bandar sahabat ke Pulau Pinang. Hasil daripada usaha itu, penerbangan sulung dari bandar berkembar Xiamen, China telah dilancarkan pada September 2023 dan penerbangan sulung dari bandar sahabat Chengdu, China telah dilancarkan pada April 2025. Sementara itu, jadual penerbangan dari bandar berkembar Medan telah mencecah kekerapan tinggi iaitu 45 kali penerbangan seminggu pada bulan Mac 2025;

- (ii) Hubungan juga dipereratkan melalui lawatan rasmi antara kedua-dua bandar. Delegasi MBPP ke Adelaide yang diketuai oleh Datuk Bandar MBPP sempena Sambutan Perayaan Ulang Tahun Ke-50 Hubungan Bandar Berkembar George Town - Adelaide dan lawatan balas oleh Datuk Bandar Adelaide ke George Town telah berlaku.

Ketua Menteri juga mengetuai rombongan lawatan rasmi ke Xiamen, China serta menghadiri persidangan dan pertemuan dengan pemimpin-pemimpin Kerajaan dan Perniagaan di Xiamen;

- (iii) Kerajaan Negeri turut menghadiri Persidangan Bandar-bandar Persahabatan anjuran Province Hainan (2024) dan Bandar Chengdu (2025) di China untuk merapatkan hubungan antara bandar-bandar sahabat;
- (iv) Kerajaan Negeri turut menjemput penyertaan bandar-bandar berkembar dan sahabat dalam acara sukan. Pasukan Perahu Naga dari Xiamen dan Guangzhou, China telah dijemput untuk menyertai *Penang International Dragon Boat Regatta 2024* di Straits Quay

Marina sempena ulangtahun ke-50 hubungan diplomatik Malaysia-China;

EXCO Pelancongan dan Ekonomi Kreatif yang merupakan Pengerusi *Penang Bridge International Marathon* telah diberi penghormatan untuk sesi *gun-off Xiamen Marathon 2024* bersama dengan Mayor Xiamen. Ini merupakan sebahagian daripada usaha *sports tourism* untuk mempereratkan hubungan antara bandar-bandar berkembar dan sahabat; dan

- (v) Kerajaan Negeri, MBPP dan MBSP juga menerima kunjungan hormat daripada pegawai-pegawai, rombongan misi pelaburan, pelancongan, pendidikan, kebudayaan dari bandar-bandar berkembar dan sahabat untuk memelopori peluang bersama.